

Te Heheuraa Api

E ITE ʻĀ OUTOU I TE PARAU MAU, E NA TE PARAU MAU OUTOU E FAATIAMA

TE VE'A A TE EKALESIA A IESU MESIA I TE FEIA MO'A
I TE MAU MAHANA HOPEA NEI

NENEIHIA I PAPEETE, TAHITI, I TE MAU AVA'E ATOA

Te hoo: E 30 farane i te matahiti.

Nº 12

-- DICEMA 1956 --

MAT. 43



“SCOUTS - S. D. J.”

Ce groupe représente les Scouts S. D. J. de Papeete. Il est formé de six patrouilles ayant chacune un Chef et un second de Patrouille. Les différentes patrouilles sont: (1) *ABEILLES*-chef de Patrouille: Stella Tuteamaru, Seconde: Hinano Fareata. (2) *HIRONDELLES* - chef de Patrouille: Leila Tuhoe, Seconde: Tareva Mahotu. (3) *ROSSIGNOLS* - Chef de Patrouille: Roiti Turoa, seconde: Mahana Moo (4) *CORBEAUX*-Chef de Patrouille: Henri Tebani, second: Oapa Raatua (5) *EPERVIERS* - Chef de Patrouille: Opura Moo, second: Mathias a Mathias (6) *LYNX* - Chef de Patrouille: Tekehu Tinirau, second: Eugène Wong. Le tout sous la direction de Mme. Muriel Lethuillier, Ralph Hoffman, et Tehina Moo.

Nous avons voulu avoir des scouts parce que nous trouvions le programme et l'idéal scout formidable et puis dans chaque pays du monde, quelque soit sa race, sa patrie, sa religion, il y a des mouvements scouts. C'est pourquoi nous avons voulu adapter ce programme à nos enfants de 12 à 16 ans, filles et garçons. Le Scoutisme est la plus grande et la plus belle organisation des jeunes du monde. Des Scouts il y en a dans tous les pays libres du monde du Mexique en passant par les Indes de l'Islande en passant par tous les pays d'Europe et d'Amérique jusqu'à la Nouvelle Zélande et l'Australie. C'est encourageant de penser que dans les hameaux les plus retirés du cercle arctique comme dans ceux du ciel tropical, on rencontre des "Frères Scouts" qui croient au même idéal, jouent le même jeu, et travaillent pour avoir le même but. . . la paix mondiale et la fraternité entre les hommes. Lord Baden-Powell, commentant sur la Ligue des Nations en 1920 écrivait: "Une autre ligue des nations fleurit actuellement, c'est la Fraternité des Boys Scouts." Voilà justement la grande famille dont nous avons voulu faire partie afin que nous soyons unis dans un esprit fraternel.

Le 9 Novembre 1955 nous avons eu notre première réunion. Nous apprenons à faire bien des choses: du secourisme (chose très utile dans notre vie) à se débrouiller au camp, à connaître mille choses utiles. Nous avons des épreuves à passer. Nous avons des lois et nous avons un programme d'avancement.

Nous avons été reconnu officiellement par le Gouverneur des E. F. O. le 25 Juin 1956.

Notre Mouvement est récent mais nous espérons que nos garçons et filles seront toujours plein de zèle afin de suivre toujours les enseignements scouts et, de ce fait, être des gens d'honneur, de futurs chevaliers. Il faut que nous ayons avant tout l'Idéal de tous les Scouts "Toujours tout droit...toujours prêt." Te mau Scout paatoa - A faaitoitō!

"Davida E Solomona"

(I Arii 1 - 2)

E rave rahi hoi te mau tamarī a te arii ra o Davida. O Solomona hoi te i'oa o te tahi tamaiti tamaroa o tei riro ei taata paari no tana mau tau tahito ra, e te hoê atoa hoi arii rahi roa no te ao atoa nei. Ua papai hoi oia e rave rahi mau parau paari o tei parauhia e "*Maseli*", oia hoi, te hoê buka i roto i te Bibilia. Te vai ra hoi i roto i tana mau "*Maseli*" ra te tahi mau haapiiraa faufaa roa na tatou, e na te mau taata hoi i tahito ra. Te na ô maira hoi te tahi o taua mau parau ra e:

"*E tiaturi ia Iehova ma to au atoa ra; eiaha râ e tiaturi i to oe i hora haapao.*"

"*Eiaha oe ia paari i to oe i ho mana'oraa; o Iehova ra tu oe e mata'u, a faarue ai i te ino.*"

"*E faatura'tu ia Iehova i taua mau tao'a rarahi, e te oho matamua o ta oe atoa ra tao'a ia tupu.*"

"*O tei herehia e Iehova ra, o ta'na iā e a'o mai, mai te metua e a'o i te tamaiti ta'na e here ra.*"

*“Teie na parau e ono ta Iehova e riri nei, e hitu mea fau-
fau Ta’na: e hi’o nei, te mata teitei’ te arero haavave, e
te rima i manii ai te toto hara ore ra, o te aau i opua i te
parau ino ra, e te avae e horo oioi e rave i te ino; te ite
haavare, e te parau haavare ra, e o tei faatupu i te maro
i roto i te mau taeae ra.”*

*“Ua tupu ana’e te teoteo ra, tei muri iho te haamâ, tei te
feia haehaa ra te paari.”*

“E vahavaha te maamaa i te a’o a to’na metua tane”.

“O te parau marâ ra tei faaore i te riri.”

Ta’na ra rahiraa maseli, e mea faahiahia roa ia e te fa-
ufaa rahi hoi.

Hoê ia opuaraa rahi roa ta te arii ra o Davida i opua,
no roto mai i to’na aau, oia hoi, te paturaa ia i te hoê hiero
no te Fatu i te oire ra o Ierusalema. Mai to te ati Iseraela
hoi ho’iraa mai mai Aipbiti mai, ua haamori ratou i te Atua
i roto i te hoê mau fare ie. No reira, ua hinaaro roa Davida
ia patu i te hoê hiero rahi, e te nehehehe hoi no te Atua.
Area râ e taata tama’i oia, aita te Atua e faatia ia’na ia
patu i te reira. Ua vaiihohia râ te reira na ta’na tamaiti, o
Solomona, o tei mono atu ia’na ei arii.

Ua tapitapi roa te mana’o o Davida no te mea e nehe-
nehe taa ê roa to’na aorai i te hiero o te Atua. E no te mea
atoa hoi e, na here roa oia i te Atua, e ua putapu ia to’na
aau i te mana’oraa e, na te Atua te mea maitai roa a’e i te
mau mea atoa.

E i to Davida ra hoi ruhinhia-raa-hia, na ite oia e, e
mea tia ihea ia maiti hia te hoê arii ei mono ia’na. I reira,
ua maiti te peropheta o Natana ia Solomona.

Ua hinaaro Davida i te manuia e te oaoa no ta’na ra
tamaiti, e na ite oia e, e manuia oia mai te mea e tavini oia
i te Fatu. E no reira, ua pii atura Davida ia Solomona e ua

faaite atura ia'na e, na fatata roa vau i te pohe e na oe au e mono. Area râ, ua a'o atura oia i ta'na tamaiti e. "*E faae-taeta, e haapeu taata. E haapao â i te poroi a te Atua ra a Iehova, e haapao i Ta'na e'a, e Ta'na parau, e Ta'na i faaue mai, ia manuia to oe na mau haerea.*"

Ua faaite atura oia ia Solomona ia vai paari oia e ia maitai hoi, e ia haava maitai i te taata, no te mea, o te reira ia te tahi o Ta'na mau ohipa. Inaha, ua pohe ihora oia, e ua tanuhia ihora oia i Betelehemua.

Tahakura a Hutihuti

HAAPIIRAA NA TE FEIA API
AVA'E FEBUARE - Haapiiraa Hoê.

"E Piti Tauasini Matahiti Matamua"

TE HAMANIRAAHIA O TEIE NEI AO.

Mai ta tatou i ite, ua faaue te Atua ia Mose, ia papai oia i te mau mea ta'na e faaite ia'na. Haamata atura te Atua i te faaite mai ia Mose i te huru no te hamaniraahia o teie nei ao.

UIRAA 1: Ehia hamaniraahia o teie nei ao i vai na?

Ua parau maira te Atua ia Mose, i te na ô raa e, "*I te matamua ra i hamani ai au i te ra'i, e te fenua ta oe e tia na . . .*"

I te reira vahi i turori ai te mau taata haapii Bibilia e rave rahi, no te mea, te mana'o ra ratou e, o te haamataraa ia o te ao i te pae tino nei. Aita râ tō ratou mana'o i tia, no te mea, ia oti to te Atua faaiteraa mai ia Mose i te huru no te hamaniraahia o teie nei ao, ua parau mai ona e,

"O teie hoi te mau ui o te ra'i e o te fenua a hamani-hia'i ratou ra, i te mahana i hamani ai Au, o te Fatu, te Atua, i te ra'i e te fenua ra; e te mau raau atoa o te ana hou

i vai ai te reira i te fenua nei, e te mau raau rii atoa o te aua hou te reira i tupu ai. Inaha, ua hamani Au, o te Fatu, te Atua, i te mau mea atoa, o ta'u i parau ra, i te pae varua, hou te reira i vai mai ai i nia iho i te fenua nei. Inaha ra, aore â hoi Au, o te Fatu, te Atua, i haamairi i te ūa i nia i te fenua. E ua hamani Au, o te Fatu, te Atua, i te mau tamarii atoa a te taata ra; e aore â hoi ia e taata e ô i te repo fenua ra; i te ra'i hoi i hamani ai au ia ratou ra; e aore â ia e mea ora i nia iho i te fenua: e aore atoa i roto i te pape, aore atoa i roto i te reva ra;" (Mose 3:4-5)

I reira to'na faaiteraa mai ia Mose i te hamaniraahia o te ao i te pae tino nei. E no reira, na ite papu roa tatou e, ua hamanihia te mau mea atoa, i te pae varua na mua, e i muri iho, na hamanihia ia i te pae tino nei. Na te Buka Fafau e haapapu mai i te reira.

"No te mea, na roto i te mana o to'u Varua i hamani ai Au ia ratou; oia ia, te mau mea atoa, i te pae varua e i te pae tina atoa hoi, na mua i te pae varua, e i muri iho i te pae tino ra, o te reira ia te haamataraa o Ta'u nei ohipa; (Buka Fafau 29:31-32)

E haapiiraa faahiahia roa teie i te mea e. na teie haapiiraa e haapapu mai i te mau vahi ê e vai nei i ropu i te pene hoê e i te pene piti o te Genese. No te mea, te ite nei tatou e, o te hamaniraahia o te ao nei i te pae varua ra tei faaitetia mai i roto i te pene hoê. Te pene piti iâ, o te hamaniraahia ia i te pae tino nei.

Ua ite tatou e, ua ora tatou ei mau varua i te mata-mua ra, hon tatou i tae mai ai i nia iho i teie nei ao. Oia atoa te mau animaa; te mau manu, te mau tuun raau, te aihere, e te mau mea atoa ra. Ua hamanihia ratou i te pae varua na mua i to tatou turaahia mai i nia iho i te ao nei.

Ua haapii atoa mai o Birikama Ioune e, ia tae i te mahana tatou e ite ai i te parau mau no te hamaniraahia o teie nei ao, e ite tatou e, ua afahia mai te mau mea ora, oia

hoi,
õ m
raa
hoê
no õ
iho

UII

UL

hoi, te mau animala, te mau tumu raau, e te mau aihere, no ò mai i te tahi atu â mau ao. Te ite nei tatou e, e haapii-raa maramarama te reira, no te mea, ia faatia te Atua i te hoê ao apî, e nehenehe ia'na ia afai mai i te mau mea ora no ò mai i te hoê ao tahito no te haamataraa i te ora i nia iho i tana ao apî ra.

UIRAA 2: Ua hamanihia anei teie nei ao ro roto mai i te aore?

Aita roa'tu. Ua hamanihia râ te mau mea atoa no roto mai i te mau mea rii tumu, aore to ratou e haamataraa, e aore hoi e hopea, no te mea, e mea mure ore te mau mea rii tumu o teie nei ao. Noa'tu e, e tia ia faahuru-ê-rii-hia ratou i te tahi mau taime, eita roa e tia ia haamouhia teie mau mea rii tumu o te ao nei. Eiaha tatou e mana'o e, ua hamanihia te ao nei no roto mai i te aore, no te mea, no roto mai i te parau "hamani" i te parau Hebera "barau", oia hoi, "faanaho". E no reira, ua faanahohia teie nei ao e te mau mea i nia iho i te mau mea rii tumu o te ao nei. Ua vai ê na ratou, e e vai noa ratou e a muri noa'tu.

UIRAA 3: Hoê â te taioraa taime i teie nei tau e i te matamua ra?

Aita. Mai tei faaitohia i te buka a Aberahama, i te pene pae e i te irava ahuru ma toru, na mua i te hi'araa o Adamu, na tai'ohia te taime mai te huru "o te taime o te Fatu ra, mai te au ia i te taime o te ao Koloba;" Na te pene toru e te irava maha o tana buka ra e faaito mai ia tatou e, hoê mahana i te ao Koloba, hoê ia tauasini matahiti i nia iho i teie nei ao!

Haapiiraa Piti.

O ADAMU TE TAATA MATAMUA.

Ua ite tatou e, ua hamanihia te ao nei i te pae varua na mua, e i muri iho i te pae tino nei. A faanāho ai te Atua i teie nei ao i te pae tino nei, ua hamani oia i te taata no roto i te repo o te fenua, e ua haapuāi atura i roto i to'na apoo ihu i te aho ora ra.

Aita rā te Atua i faaite mai ia tatou e mea nafea oia i te hamani i te taata, e no reira i tupu ai te mau mana'o hape i rotopu i te tahi mau taata haapii Bibilia. Te mana'o nei ratou e, ua rave te Atua i te hoê ohipa maere e te tahn-tahu, a hamani ai oia i te tino o te taata no roto mai i te repo o te fenua. E mana'o rā tera no te mau tau pōiri e aita e tia ia tatou ia tiaturi faahou i te reira, no te mea. na faaite mai te Atua ia Mose i te auraa o taua parau ra e, "ua hamanihia te taata no roto mai i te repo fenua," i te na ô raa e,

"...ua fanauhia oe i roto i te ao nei, na roto i te pape e te toto, e te varua, o ta'u i hamani ra, e no te reira i riro mai ai te repo fenua ei taata ora."

E hoho'a teie no te fanauraa tino, e ua hamani-atoa-hia te tino o Adamu mai te reira te huru. Oia hoi, ua fanauhia mai Adamu e te hoê metua vahine mai te mau taata atoa te huru o tei hamanihia i te repo fenua. Aita atu e ravea i hamanihia'i te taata e vai ra e e vai nei, maori rā, no roto mai i te opu o te hoê metua vahine.

Te tupu nei te mana'o i roto ia tatou e, Ihea to Adamu fanauraa-hia mai? O vai to'na na metua? Ia pahonohia teie niraa, na tia i te Atua ia faaite mai ia tatou i te tahi mau ohipa i ravehia i nia iho i te tahi atu â mau ao, e ua faaite a'enei oia ia Mose e, o te tuatapaparaa no teie nei ao ana e ta'na e faaite mai ia Mose ra, eiaha no te tahi atu â mau ao.

Hoê â huru e, ua au te tuatapaparaa o te mure ore i te hoê taura hope ore, e na maiti te Atua i te hoê vahi i nia iho i te reira taura e taamu ai i te hoê taamuraa i reira. Oia hoi na taamuhia te tuatapaparaa i te taima Adamu i tuuhia mai ai i nia iho i teie nei ao, e aita roa'tu e nehenehe ia tatou ia hi'o atu i muri mai i tana taamuraa ra, maciri râ, ia tatarahia ia, e te Atua iho.

Ua ite râ tatou e, te vai ra te taima tatou e ite ai i te mau mea atoa ra, e no reira, eiaha tatou e peapea i te mau vahi hohou i teie nei, a faaoromai râ tatou e tae noa'tu i te tau e haapaohia e te Atua ra.

Noa'tu â ia, ua faaite papu roa mai te Atua e:

1. E ere Adamu i to roto mai i te animala. (Mai tei mana'ohia e vetahi mau taata.)
2. Aore atoa e taata i nia iho i teie nei ao na mua'tu ia Adamu.

Ua taa maitai roa te reira ia tatou nei, no te mea, na te Atua iho i parau mai e, ... "E riro a'era te taata ei taata ora, o te mea ora matamua ia i nia i te fenua nei, o te taata matamua atoa ia; aore râ, ua hamanihia te mau mea atoa i mutaa ihora; i te pae varua râ i hamanihia'i ratou e i ravehia'i mai te au i ta'u ra parau." (Mose 3:7)

E no reira, mai te mea e, o Adamu te mea ora matamua i nia i te fenua nei, aitaroa'tu e nehenehe ia'na ia haere mai no roto mai i te hoê animala, e mai te mea atoa e, o oia te taata matamua, aita e nehenehe ia tatou ia parau e, e taata to mua atu ia Adamu.

NA ADAMU TE MAU I'OA O TE MAU ANIMALA I MAIRI

Ua parau mai te Atua e, "E ua tann ihora vau, o te Fatu, te Atua, i te ô i te pae i te hitia o te râ i Edene ra, e i reira i tup atu ai au i te taata o ta'u i hamani ra, e no roto

mai i te fenua i faatupu ai au, o te Fatu, te Atua, i te mau raau atoa, tei au ia hi'ohia e te taata, e na ite te taata ia hi'ora. E ua riro atoa te reira ei mea ora. I vai varua ra ia i te mahana i hamani ai au i te reira;" (Mose 3:8-9)

Te ite atoa nei tatou e, ua hamanihia te mau mea atoa i te pae varua hou ratou i tuhia mai ai i nia iho i te ao nei i te pae tino nei, e ia tahoêhia to ratou varua i to ratou vai-raa i te pae tino nei, ua riro atoa ia ratou ei mea ora.

I reira, ua afaihia mai te mau animala i nia iho i teie nei ao i mua ia Adamu ra, "e e mau varua ora hoi ratou; ua haapuai atura hoi au, o te Atua, i roto ia ratou i te aho ora ra, e ua faaue atura ia Adamu ia mairi i te i'oa, o taua mau mea ora atoa ra." (Mose 3:16)

E no reira, te ite nei tatou e, na Adamu te mau i'oa o te mau animala i mairi i nia iho ia ratou, e na tauturu oia i te Atua i nia iho i teie nei ao mai ta'na i tauturu i te pae varua ra. Ua haapii mai Birikama loune e, noa'tu te parau i faaroo-pinepine-hia e, aita Adamu i te i te Atua na mua i to'na tuuraahia mai i nia i te ao nei, ia faaitehia tatou i te paran mau, e ite tatou e, na Adamu i tauturu i te hamaniraa hia o teie nei ao, e o Adamu iho tei afai mai i te mau animala e i te mau huero no te mau mea ora no ô mai i te tahi atu â mau ao i teie nei ao.

UIRAA 1: O vaihoi o Adamu? O te melahi rahi oia o tei parauhia o Mihaela i te ao varua ra. Na'na i aratai i te mau melahi tei pee atu ia Iesu i te tama'i rahi i tupu i nia i te ra'i, to Satane tamataraa i te haamou i te opuana a te Atua ra. O oia te hoê o te mau varua i te matamua ra, tei hau i te paari e te rahi, tei hau atoa i te faaroo e te maitai. No reira hoi oia i maiti-hia'i ei metua no te mau taata, oia hoi, te taata mata-mua i nia i te ao nei. No reira, e nehenehe atoa ia tatou ia mana'o e, e tiaraa teitei atoa to Eva i te ao

UIR

UIR

UIR

Haap

"TE

tia o

e te

riro t

ite ta

pae l

o Ad

paral

i mu

mai

Noda

TO E

te va

hoêh

nua

pe m

varua ra, e e melahi oia tei hau i te itoito e te maitai, no te mea, na maitihia oia ei metua vahine matamua no teie nei ao.

UIRAA 2: Eaha te auraa o te parau e, “Ua hamanihia te taata no roto mai i te repo fenua?

UIRAA 3: Nafea tatou e ite ai e, e ere Adamu no roto mai i te animala, e aore atoa e taata i nia iho i teie nei ao na mua’tu ia’na?

UIRAA 4: Na vai te i’oa o te mau animala nei i mairi?

Haapiiraa Toru.

“TE O I EDENE”

“Ua ô hoi te Atua ra o Iehova i te ô i te pae i te hitia o te râ i Edene ra. . . .”

Te faaite mai nei te re’o Hebera ia tatou e, o te oaoa e te poupon o te auraa mau ia o taua i’oa ra, o Edene, e ua riro te reira i’oa ei hoho’a no te hoê vahi tei i te oaoa. Ua ite tatou e, ua faaineinehia e te Atua, te hoê vahi i roto i te pae hitia o te râ i taua fenua o Edene ra, ei ô. Ua tiahihia o Adamu raua o Eva i rapae i te ô, area râ, e mea papu e, te parahi noa ra rana i roto i taua fenua ra o Edene, no te mea, i muri a’e i te taparahiraahia o Abela, “haere ê atura Kaina mai mua’tu i te aro o leheva ra, parahi atura i te fenua ra i Noda i te pae i te hitia o te râ, i Edene ra.” (Genese 4:16)

TO EDENE VAIRAA MAU

Ua tupu ê na te mârô i rotopu i te taata nei no nia i te vahi mau taua ô i ôhia’i; aita râ te mana’o o te taata i ta-hoêhia. Ua ite tatou e, tei te pae i te hitia o te râ o taua fenua o Edene ra. te ô i tannhia’i, e ua tahe maira te hoê pape mai roto mai i Edene, ei faararirari i taua ô ra. Ua ite

atoa tatou e, ua maa taua pape ra e riro atura ei na pû, e maha ra. Oia hoi, na anavai pape ia, i parauhia o Pisona, Gihona, Hidekela, e o Eupharate.

Te imi noa ra vetahi mau taata i te mau anavi pape e te mau fenua i itehia i raro a'e i taua mau i'oa ra, area râ, aita ratou i haamana'o e, e mau i'oa te reira i horoahia mai ia ratou i mutaa ihora, na mua i te diluvi, eiaha râ no teie nei tau.

No reira, te vai noa ra te papu ore i rotopu i te taata no nia i to Edene vairaa mau.

I te matahiti 1830 râ, ua farii Iosepha Semita i te hoê hehenraa i te faaiteraa mai e, i te oire Inidipenideni, i te tufaa fenua Missouri, i te fenua Amerika, te ô Edene i tanuhia'i. Ua faaite-atoa-hia ia'na e, o te hoê aivi fatata rii i taua vahi ra, o te vahi i faaeahia'i e Adamu raua o Eva i muri iho i to raua tiahiraahia i rapae i te ô Edene ra. Oia hoi, o te vahi i parauhia o Adamu-Onodi-Ahamana. I reira to Adamu hamaniraa i te hoê fata e to'na pûpûraa'tu i te mau tusia

Te ite nei tatou e parau mau te reira, no te mea, ua iteahia te haamouaraa o te hoê fata tahito roa i nia iho i taua aivi ra i teie nei tau.

E no reira, na ite tatou e, tei Amerika te haamata-raahia o te taata i teie nei ao, e ua parahibia te reira fenua e te mau taata mata nua e tae noa'tu i ie tau no Noa.

I reira, ua ninahia te fenua i te vero, e ua tere Noa ma na nia i te diluvi e tae noa'tu i te fenua i te hitia o te râ. I reira, ua haamata faahou-hia te nunaa taata o teie ao. E noa'tu e ua parauhia te fenua Amerika ei fenua api, e te fenua hitia o te râ, oia hoi, Iernsalema ma, ei fenua tahito, o Amerika ra te fenua matanua tei parahibia e te taata.

AOR

Eden

hi'a,
mau
ai te
a mura, ia
ra rat
i hara
hopeaEden
Eva i
e, ai
mua
ia va
râ, ua
atoa,

UIR

UIR

UIR

AORE E POHERAA I TE O I EDENE.

Te faaite mai nei te papairaa mo'a e. aore to te ô i Edene e poheraa na mua i te hi'araa o Adamu.

“E teie nei, ahiri aita Adamu i hara, aore atoa oia i hi'a, i vai â ra oia i roto i te ô i Edene. E ia vai noa te mau mea atoa i hamanibia ra i roto i te hoê â vairaa i vai ai te reira i muri iho i te hamaniraahia e tia'i, e ia vai noa e a muri noa'tu e tia'i, aore e hopea.” (II Nephi 2:22)

Oia hoi, aore e hoê ino to te ô i Edene i te matamua ra, ia hamani ino i te taata e i te mau mea ora. Te ora noa ra ratou ma te mau ore e te ma'i ore, e ahiri aita Adamu i hara, ua vai noa te mau mea atoa e a muri noa'tu, aore e hopea.

Tera râ, aore atoa e fanauraa e vai ra i roto i te ô i Edene. E noa'tu e, ua faaue mai te Atua ia Adamu raua o Eva ia fanau raua, ia rahi roa, e ia i te fenua nei, e ite tatou e, aita e nebenehe ia raua ia haapao i taua faaueraa ra na mua i te hi'araa. E no reira, e ere ia i te opuaraa a te Atua ia vai noa te mau mea i roto i to ratou huru mure ore, area râ, ua tuuhia mai o Adamu raua o Eva, e te mau mea ora atoa, no te hoê ana'e tumu, oia hoi, no te hi'araa!

UIRAA 1: Eaha te auraa o te i'oa o Edene i roto i te reo Hebera?

UIRAA 2: O tei hea te fenua matamua i parahihia e te taata?

UIRAA 3: Teihea to te ô i Edene vairaa mau?

Ré Marshall (Orometua)

PARAU RII API

Te Tere O Te Peresideni Misione

I teie ava'e Ditema e tere atu to tatou Peresideni Misione, o Elita, e ta'na vahine, o Ruta, e na tamahine e piti, e na orometua o Meo, e o Fereto, e tere atoa hoi te tahi mau melo o te Ekalesia i tana tere ra.

Teie te huru no to ratou tere, no te faatupuraa i te tahi mau amuiraa i teie mau fenua Tuamotu, e tapae i Makemo, i Nihiru, no te haereraa i Taega no te Amuiraa. E ia oti tana amuiraa ra, e faahoihia'tu te mau melo i to ratou mau fenua.

E i reira, e tere faahou atu i Hikueru, Marokau e te tahi mau vahii mana'ohia, no te haereraa i Hao no te Amuiraa. E ia oti, faahoihia'tu te mau melo i to ratou mau fenua.

E homa e, te oaoa nei te Heheuraa Apî ia faaite atu i teie parau no teie tere o te Peresideni Misioni. No te mea, ua maoro roa te moeraa o teie huru ohipa ia tatou. I teie nei râ, te oaoa nei tatou i te reira farereiraa. No reira, e te mau melo e, a faaitoito i te mau ohipa a te Fatu.

To Tatou Pahi O Paraita

E homa e, ua oti to tatou pahi i te faaapîhia, ua tani rii hia te tahi mau vahii, mai te matamua ra te huru. E mea nehenehe atoa.

E faahoi atoa hia te faatereraa mai te matamua, oia hoi, no te haere, e farerei, e faatupu i te mau amuiraa e te tahi atu mau ohipa maitai. Area râ, te ohipa mau, no te afairaa'tu i te mau melo i to tatou hiero i te fenua Hawaii no te ohipa rahi roa a'e i reira e te faufaa rahi.

E te oaoa atoa nei te Heheuraa Apî ia faaite atu e, ua farii maitai o Tehina a Tapu i tana ohipa Raatira no Paraita ra.

Te Heheuraa Apî

Te Pupu Himene

I te 21 no Ditema, i te mahana pae i te hora ono i te ahiahi, e haere te Pupu Himene a te Ekalesia a Iesu Mesia i te Feia Mo'a no te Mau Mahana Hopea Nei, i te fare ma'i no te himene raa'tu i te tahi na himene rii faaoaoa raa i te mau utaa rii tei pohe râ i te ma'i. E te faaturaraa'tu i to tatou Hau Metua o Farani.

Te Sotaiete Tuahine

Mai tei matauhia e teie pupu Sotaiete Tuahine Tauturu i te mau matahiti atoa, e haere ratou i Orofara no te afai raa i te tapao aroha no tei roohia i taua ati ra.

E te haere faahou nei â ratou no taua ohipa aroha ra i raro a'e i te faatereraa a te Peresideni no te mau Tuahine, o Mme. Bennett. A faaitoito!

Te Reo Himene S.D.J.

E te mau hoa tai'o ve'a e, a faaroo faahou mai i te reo o te mau tamariri S.D.J. o ta outou i matan, e i faaroo a'enei, i te fare teata Ponaofe, e tei na roto atoa hia i te radio i te ava'e i mairi a'enei. E te himene faahou hia'tu nei na roto i te Radio Tahiti i teie ava'e Ditema.

No Tubuai

Te binaaro nei te Heheuraa Apî i te faaite atu ia outou e te mau taata tai'o ve'a ê, i te mau parau apî faahiahia roa no te fenua Tubuai.

I te ava'e Tiurai i mairi a'enei, ua haamata to te Amaa i Taahueia i te feruri no nia i te hoê ohipa maitai no to ratou mau feia apî, oia hoi, i te faatiaraa i te hoê tahua hautiraa popo. Te râ ia, te rahiraa o taua tahua râ; e 90 avae te roa, e 50 avae te aano. Ua feruribia e hamani

ratou i taua tahua râ, ia tano maitai no te ohipa hautiraa popo, e te ohipa moto, e te tahi atu â mau ohipa huru rau. No reira, e ohipa maitai rahi e te faahiahia ta ratou i rave.

E mea huru ê te raveraa o taua ohipa nei. Mai teie te huru, ua ô ratou na mua i roto i te fenua e 8 initi te hohonu. E ua hamani atoa hia te tahi na paepae, e piti taata te tia ia amo i tana paepae râ, tei i roa i te repo. E ohipa iti rahi roa ia ia feruri tatou i to'na rahiraa. E i muri mai, haere atura ratou i tai roa e hopu i te mau ofafai maitai no te haapaariraa i taua tahua râ. E ua tara'ihia taua mau ofai ra i te mahana e ia marô ana'e râ, apapa-maitai-hia ia na roto i te area i ôhia râ. Ia oti a'era te reira, rave ihora ratou i te tima (ciment) anoi ihora i roto i te (pu'a maohi) paraihia ihora na nia i taua mau ofafai i apapahia ra. E mea huru meumeu ia ropu mau, e te haere ra i te rairai na reira'tu i te mau hiti ra. ia tahe maitai te pape no nia iho.

I teie nei, te haapoupou atu nei tatou atoa i te mea e, na tae mai te parau faaite e tomohia taua tahua ra ite 7 no Ditema.

Ua rau hoi te mau ohipa i faanabohia no te ao, e te pô atoa hoi, te mau hautiraa e an no te feia apî e te feia paari, e tae roa'tu i te mau tamarii, e i taua pô râ, e orihia ai i nia iho i taua tahua apî râ.

No reira, te faatae atu nei matou i to matou aroha ia outou e to Tubuai no taua mahana rahi ra, a faaitoito outou i te ohipa a te Fatu ra ia mauia â outou *Ia Orana*

Te Tamuta E To'na Utuafare, E Te Taata Peini Fare

Ua tae mai nei te paran e, e tae mai te Tamuta hamani fare Pureraa, e to'na utuafare atoa, i te matahiti apî i mua nei.

E tae atoa mai te taata peni i te fare Pureraa.

POU MOO *Gérant et Imprimeur, Papeete, Tahiti.*
